



Broj: 01/04-05-1119/18
Sarajevo, 20.02.2018.g.

Gradsko vijeće Grada Sarajeva

N/r Igor dr. Gavrić, predsjedavajući

Predmet: Odgovor na vijećničko pitanje upućeno na 11. sjednici Gradskog vijeća Grada Sarajeva (gradski vijećnik Samir Fazlić)

Veza: Vaš akt, broj: 01-GV-02-180-1/18 od 31.01.2018. g.

Poštovani,

Gradski vijećnik Samir Fazlić je uputio je i pismeno dostavio vijećničko pitanje:

„Obzirom da mi se kao gradskom vijećniku, obratio jedan broj građana, kao i raznih nevladinih organizacija i udruženja, slobodan sam kao vijećnik postaviti nekoliko pitanja uvaženom Gradonačelniku, Pravobraniocu, te nadležnoj službi u vezi sa pismom koje je upućeno građanima koji imaju Facebook stranice, a u vezi korištenja imena Sarajevo u nazivu stranice.

Interesuje me, kao prvo, ko je dao smjernice za ovako drsko i nepotpisano prijeteće pismo?

Ko su osobe koje su na neprimjeren način vodile komunikaciju sa pozvanim osobama i sa kojim ovlastima, te u kojem svojstvu su u Gradskoj upravi?

Da li je bilo moguće pokazati zainteresovanost da pojedine stranice postanu sastavni dio glavne stranice Grada Sarajeva, i da li je nešto urađeno po tom pitanju?

Ukoliko nije, ovim putem podnosim **inicijativu** da se to i uradi.

Želim da mi se dostavi spisak svih pravnih osoba koje su u periodu od 2012. do 2017. godine imali obavezu prema odluci uplaćivati naknadu a to nisu uradili.

Tražim da mi se dostavi spisak svih rješenja od 2012. do 2017. godine koja su izdata i za oslobađanje i za naplatu u skladu sa Odlukom o upotrebi grba, imena i isticanju zastave Grada Sarajeva.

Da li je upućena isprika administratorima Facebook stranica na uznemiravanju kao i poziv za zajedničku suradnju na zvaničnom memorandumu uprave Grada Sarajeva.

Molio bih potpun, pismeni odgovor na postavljena pitanja.”

Odgovor:

U skladu sa članom 14. Odluke o upotrebi grba, imena i isticanju zastave Grada Sarajeva (“Službene novine Kantona Sarajevo“, broj: 5/06 - prečišćen tekst i 33/07), nadležna služba je izvršila nadzor nad primjenom citirane Odluke i provjeru subjekata koji imaju obavezu ispunjavanja utvrđenih obaveza po istoj.



Nadležna služba je uspostavila kontakt sa administratorima jednog broja internet stranica i profila na društvenim mrežama. Cilj je bio uspostaviti inicijalni kontakt te utvrditi da li postoji volja za saradnju na promociji Grada. Najveći dio njih je izrazio takvu spremnost te su kontakti nastavljeni.

Prema članu 15. Odluke o upotrebi grba, imena i isticanju zastave Grada Sarajeva nadležna služba vodi evidenciju izdatih rješenja i o tome jednom godišnje izvještava Gradsko vijeće Grada Sarajeva.

Podsjećanja radi, Gradsko vijeće je na 8. sjednici održanoj 25.10.2017. godine razmatralo i usvojilo Izvještaj o primjeni Odluke o upotrebi grba, imena i isticanju zastave Grada Sarajeva zaključno sa oktobrom 2017. godine.

Prema usvojenom Programu rada Gradskog vijeće za 2018. godinu, nadležna služba će pripremiti, a Gradsko vijeće u oktobru 2018. godine razmatrati Izvještaj o primjeni Odluke o upotrebi grba, imena i isticanju zastave Grada Sarajeva za period oktobar 2017. godine do oktobar 2018. godine.

Gradonačelnik

mr. Abdulah Skaka s.r.

Dostaviti:

- Naslovu,
- a/a